

# مِنْ غِيرْ دُوُ بْلِير



### **من غير دوبلير** شعر

تامرأنور

)



#### سلسلة شهرية تعنى بنشر إيداعات الشباب

#### ابداعات ابداعات

تصلرها الهيئة العامة لقصور الثقافة

رئيس مجلس الإدارة سعد عبد الرحمن أمين عام النشر محمد أبو الجد الإشراف العام صبيحي مسوسي الإشراف الفني

- من غير دويلير
  - تامر أنور
- اثمانهاه الأولى:

الهيئه العامه لقصور الثقافه

القاهره - 2011م 20اس، فر۱۲ × فر۱۹سم

تصميم القلاف فكرى يونس

الراجعة اللقوية: شعبان داجي
 سعاد عبد الحليم

• رقم الإيداع: ١٩٨٩٥/ ٢٠١١ • الترقيم الدولي: إ-704-836

• الراسلات:

ياسم/مدير التحرير على العنوان التالي ، ١٦ أ شارع أمين

سامی - قـصر الـعـیـنی الـقـاهـرة -رقم بریدی ۱۱۵۲۱ ت : ۷۹۲۷۸۹۱ (داخلی: ۱۸۰)

> ه الطباعة والتنفيث ، شركة الأمل للطباعة والنشر ت ، 23904096

## • هيئة التحرير • ميئة التحرير • مديرالتحرير مديرالتحرير سكرتيرالتحرير

مدحت العيسوي

الأراء الواردة في هذا الكتاب لا تعبر بالضرورة عن توجه الهيئة بل تعبر عن رأى وتوجه المُؤلف في القام الأول.

ه حقوق النشر والطياعة محفوقاة للهيئة العامة لقسور الثقافة. • يحفظر إعادة النشر أو النسخ أو الاقتباس بأية صورة إلا بإذن كتابى من الهيئة العامة لقصور الثقافة أو بالإشارة إلى العمدر.

من غير دوبلير	

#### الإهداء

عصام محمود، محمل عطائله، سامح سكيرمة، محمد ممدوح، أحمد عز العرب......

سامحوني إذا لم أذكركم جميعا

إلى تامر أنور لازات أذكرك مرغما

إثيها

هذا الإهداء شرّ لابد منه

بروفه

حتادی من غیر دوبلیر اطمن لو مت

شبحك حيفوز بالدور

دبًانــه		

ورقة بتتقطع من قلبك شخابيط أفكار بتعفن دبًانة بتعف عليك.. للزلزل

مروحتك ف جحيم السقف بتلف الجدران حواليك وشيطانك الأخرس مشنوق بالديل

بیدُور . . ومعاه دبًانة عنیده ززززز

ف عروق القلم المركون الصهد بيجرى.. مروحتك بتشدُّك فوق، بتقرُّب بتد.. بتقرُّب واللون الاحمر بيطرطش على وش الحيطة

زيارة

بيدوًّر على عود كبريت وسيجارة حلمه البلوله..

بتولّع. بصوابع شمسه الحشوره

بين القضبان ! ! مراياته السوده

بتطفى سجارته وبتعكس ضل القضبان على جردل مليان بنشادر

مقلوبه على فار مذعور!!

\_

بيقرقض أرضه المسجونه بيدور على عود كبريت على آخر علامات الوقت ف جدار الزنزانة الفاضيه أنفاسه مع نَفُس الوحدة بتحاول ترسم ف وشوش ممسوحة! بتكشر مع صوت الحارس ودخول النور على جحر الفار المذعور، الباب بيزيَّق وإيدين سجانه الجهول ترميله زيارته الملفوفه ف ورق بالزيت وجواب مفتوح بيحاول يقرا، ويدور على عود كبريت بيفك الورقه ويلاقي علبة كبريت وبيرسم ضحكة ف سنان الفار!! ويكمل حف

ويتين

- (مش عايزاك.. عايزاك.. زاك.. زاك) بيدارى الشمعه وبيجرى ف تمر اليوم وصدى الأصوات الملعون بيفتت تماثيل منحوته ف خياله، ويسد طريقه.. ويسد طريقه.. (مش عايزاك) بيحاول ينسى،

من فوق الوش المتكسر بيدارى الشمعه وبيجري وعقارب سودا بتجرى وراه وتدود حواليه أنفاسه بتسقط الصوت أتغير - (فاشل. ، فاشل. ، ) وطريقه بيضيق - (إطلع بره.. بره.. بره) بيسرع أكتر والوش التاني بيسقط وراضهره ويتكسر دقات القلب بتضرب قلبه وصدى الأصوات الملعون بيرخ عليه - (مقدرش أساعدك . . ساعدك . . ) تماثيل تتفتت - (كله إلا أنت. أنت) ووشوش تتكسر والفتحه بتقرأب منه بينط يعدى

لليوم التالى ياخد أنفاسه يتنهّد ويدارى الشمعه.

بالطو

بالطو حزين مرفوع الياقه وطاقية صمت وجوانتي من غير بصمات.. - مش باين كان إيه جوّاه؟! نضارة عتمة بتدارى الوش والرعب ف عينهم بيحاصره.. الخوف العاصف بيكسر بابه وبيفتح

ويطيّر ألغاز مكتوبة وطلاسم، مش باين كان إيه جوَّاه؟! بالطو حزين هربان قدَّامهم والرعب ف عينهم بيطارد أنفاسه بتجرى ووراها نباح وأثار رجلين معجونة بدم، 1111 , 999 علامات بتشاور وتحذر بوجود ألغام والتلج بينبح ورا بالطو حزين وأثار رجلين.. معجونة بدم ونهاية اللعبه ف الحارة السد والنصر فعينهم بيقرّب منه ويفك ال. . ياقه هاها هاها

ملقوش ولاحاجه

الأمس

أمر، حدد واختار الحالة الماضى وراك ومضارع حاضر على بابك مستنى الأمر بتحب الأمس وهدوم الماضى المطوطة فدولاب الشمس بتشدك لطفولة عمزك وبراءة أحزان امبارح، العتة بتاكل أيامك وبلاطى البرد صورك بتزيف ضحكه

ماضى . . مضارع . .

```
والذكرى
                ما كنتش سعيده
          مكسورة فإزاز براويزك
                 الخوف م الجاي
           بيشد الماضي فدالحاضو
                      وسريرك
      بيلف الأوضة ويدور حواليك
       وحصاد الماضي فروشوشهم
                  بيبص عليك
وعيونهم بتبصّ لبعض.. وبتضحك،
         كل ما تيجي تمد إيديك
              تُقلك سشدك تحت
        وبيحبس صوتك قدامهم،
        صورك بتزيف فالضحكه
                      والذكري
                     ما كانتش
            لساك بتدورع الماضي
        ف صفيحه نفايات العقل،
                اخرج من تُقلك
                 استسلم للأمر
```

قمرالموت			

عواميد النور بتبص عليك هربان الضل المذعور من بين رجليك وخطاوى الحلم المتكسر بتجرجر فيك، وكلاب السكة المسعورة بتجر ديولها وتدارى وبتنبح ورا موت خطاويك مهجور الشارع فعنيك والليلة

محنية

واتقفلت كل الأبواب، وبيعوى الخوف بتخبط وإيديك . . بتنزل دم، قفلوا الشبابيك اللبلة كات لبلة الدبب والناس في بيوت الخوف، وحدك ضد الجهول بتنادى شبابيك النور، مقفولة ف وشك أبوابهم بتداري البوح حشرجة الصوت المنبوح تلهث أنفاسك وحدك، ف ضلام الليل مع قمر الموت وأخيرا باب راح يفتح لك علشان تداري، ابتسمت أنياب الجوع واترسمت ضحكة فاعتيك الحمرا

## قمرالموت٢

يعنى المفروض إنك تخرّج
كل رغباتك الدفينه
وتتحول
اقف قدام المرايه
راقب أنيابك كوّيس وهيّ بتظهر
وملامحك اللي بتزداد شراسة
وانت أساسا مشعر
وانت أساسا مشعر
المشكلة الحقيقيه
إزاى هتستغل قدراتك الجديده

القمر الليلادي بدر

هل حتنتقم من القطيع اللي كرشك عشان جريمة قتل معنوى؟ إنت معملتهاش واللي القاتل الحقيقي فيها هو اللي بيبلغ عنك فركل مره ويقيض المكافأه وللاحتمارس دورك الطبيعي وتشوف فريسة من إياهم مفيش وقت للتفكير إنزل للشارع وحتفرج الناس بتبص عليك وبتضحك شكلك بايخ جدا وإنت بتحاول ترعبهم ومش قادر أنا نفسى بضحك عليك وأنا شايفك ف المرايات وانعكاسات الفتارين وأنت بتزغر والناس مش فارقه معاها يظهر إن انت مش الوحيد اللي اتحوِّل الليلادي أنا شايف كتير غيرك!! كل واحد فيهم حاطط إيده ف إيد الضحيه وواخدها على البحر علشان الليل ستار والبحر أكبر م البير،

إحساسك بالليل.. والجوع.. والوحدة.. والأهم إحساسك بالفشل

بيخلوك تحس إن انت الديب الوحيد. الشارد عن القطيع مفيش قدامك دلوقتى غير إنك تستحضر بنت الجيران وهى بتنشر والقنوات الفضائية إياها وتبص للقمر وتعوى أهى أى حاجة تحسسك بوجودك وخلاص قبل القمر ما يختفى

## كلاكيت أول خضَّة

«لقد وضعت حياتى قبله عينيك من أدناها إلى أقصاها.. من غير أن أخفى عنك شيئا وهذا ما جعلك تجهليننى العطاغور،

عضه

مبتوجعش خلى وريدك يستسلم سببها تمص دفاك م الدم تتمنى الرحمة يتنفض الحلم ينتفض الحلم ضحكات الموت اللى ف عينها على آخر نقطة بتمسحها من فوق شفايفها،

العضّة الأولى

بتطمّن قلبك برحيلها، العضّة الأولى مبتو جعش العضة التانية والتالتة تقتل ف براءة أيامك وبتنقل موتها العايش ف عينيها لبراءة عينك، طالت أنيابك وتابوتك قاعد مستنى، يا عدو الشمس خفاش الليل العطشان محروم م الدم مقتولة يا بنات الليل مكتوبة ف ضحايا الليل، الليل مملكتك دلوقت وحزين الموت اللي ف عينك من فوق العرش وحشاك الشمس وأثار العضّة ف وريدك بتنادى بالتار لعينيك

بتفتش عنها ف لياليك والليل مبقاش فيه بنات، مبقاش فيه بنات، على إيدك مات ولقيتها... على باب الحارة الخلفيه، بتمص ف دم واحد تانى وبتضحك والليل ييضيق نظرتكو لبعض خليفين من بعض والليل والليل

العذراء والجدى

كان باب المرصد مقفول والطين الأبيض كان بالع كلوة رجليها الزرقا،

وبيرسم . . بصمات صوابعها المبتوره والخط الأحمر بيقطع

قبل امّا بموت الموت الشاحب بيجمّد تمثال متحرك،

والليل البارد يشتى نجوم

قلبك بيخبّط . . وبيفتح مع باب المرصد ،

ونزيف الماضي المقتول دخلت والتلج بيزحف ف عنيها والرعشة بتهز التمثال الكسور. جرحك كان نفس الجرح اللي ف عينها وبساط الليل الخروم مليان بنجوم وقصايد شعر نجمها مقفول وبيفتح جرح وبيقسم ف القلب اتنين عذراء البرج والحب العُذاري المقتول وبتخلع صوفك والحطب القايد جواك بيدقى عنيها برجك بيقول بتحبك هتصدق ؟!! اللون المهزوم ف عنيها اليوم مش يومك يا برج التيس المخدوع

ولقيتها هناك

كات عايمة ف الليل البارد مع برج الحوت. كان فاتم بقه وبيبلع منها العذريه والتلج النازف على باب المرصد بيموت.

عمى ألوان

ششہ...شش اسمع

الصوت بيخروش، امسح نضارة ودنك

دا الوقت الحالك ف عنيك مش عايز يمشى

وعصايتك بعنيها الواحدة المليانة تراب بتشق طريقك

وايديك . . تسبح ف العتمه على الفاضي ،

الصوت بيخروش دقات الكعب الجهوله سكتت جنىك، العطر الفايح بغرابته بيخدر قلبك مع ملمس إيدها الناعمة والصوت الساحر سامع؟! ميقتش لوحدك وطريقك بقى بين صوابعها وعصايتك تقلت في ايديك اكسرها الصوت الساحر بيجسد ملامحها فوق لوحة ليلك شمسك طلعت جواك سلمت إيديك ومشيت بوصلة قلبك بتدور بجنون غو اصتك ثبتت ف القاع والزيت المتسرب منها بيلوث يحر الظلمات سامع أصوات؟!! أخشن من صوتها، ريحة غريبة معجونة بعفن الأصوات والإيد الناعمة مخالبها بتنزع أحلامك بتحسس فوق الأمواج وعصايتك مبقتش معاك الصوت بيخروش شش..شش.

مغناطيسيه

رجليك بتشدك وعنيك قدام الناس بتوسع لإيديك المتطلخ لونها والموت اللي فعينك . . والموت اللي فعينك . . وتجر عيونهم وتجر عيونهم على وشم قفاك الملعون الناس بتوسع والذعر بيضحك ف عنيهم بعد اما تمر .

بثبات، وعنيك قدام على حرف العالم وبداية متاهات الخوف، بتوقف رجلك وتفوق ع المقتول منك بإيديك وأثار الجزمة المسحوره كات لسه وراك، بتلف عنيك وبتعكس رجلك لبداية الخط، الناس بتوسع وقصادك كان واحد جاي رجليه بتشده وعيونهم على وشم قفاه الملعون وأثار الجزمة المسحوره تخلص فعنيها بتحاول تفهم وتقرب أكتر بص ف عينها رکز ..

نااااام

برمودا			 	
	·	-		
		- 65 -	 	

وخريظة باللون الأصفر، بتحط ف عينك حلم القرصان المهزوم، الدقن الخضرا بتهرش وشك وتشد سواد الجلد الخطوط ع العين العورا خطاف الإيد المقطوعة بيلف الدفة والبوصلة

كات واقفة شمال

الكنز المدفون في الملح، تنين الدهب المسحور، والكنز المدفون فالملح . . الكنز المدفون ف الملح، زعنفة الفك السعور بتطارد خوفك والحلم البايش، البحر بيزأر والموج بيمد إيديه وبياخدك -4-حضن الأعماق العتمه قناديل البحر الطفيه بتحوم حواليك نفسك محبوس والقفص الصدري من غير ولا باب بتقرب منك وتشد إيديك بتشوف الوش وضفاير نارها المبلوله بتنور ليك، ---السطح..النور بتودع ديلها

وعيونك مش ناسية الوش، - والكنز المدفون ف الملح . . الكنز المدفون ف الملح ، ومثلث موتك مرسوم ف السفن الضايعة ف أحلامك -1-- دسفينة . . سفينة . . سفينة ي لمُ شراعك وارمي الهلب نط على القبر العايم حاسب زعنفة الخوف منتظرة بين الأمواج - «أبوك السقا مات. . أبوك السقا مات» -0-الموت . . الوهم

طقم البحارة العضم بيفضى جيوبه، بتفتش عن أى حياة، وتقلب جثة قبطانهم على صدره مرسومة خريطتك

ومثلث موتك والسفن الضايعه، بيفتَح عينه ويشاور، وضباب الملح بيتلاشى، بتبص هناك، على سفن الوهم المسلوبه وقراصنة جايين ف الوش، بترفرف الراية السودا ف سفينتهم حضمتين ووشها --

# كلاكيت أول مرة

# فالانتاين

أمشير واقف يستقبل كيوبيد وينشف آخر نقطة مطرة ف جناح الحب اليوم . . يومك وانت بترص الورد مع الدباديب على كام قلب أحمر جوه الفاترينة والقلب الأبيض مش لاقى مكان،

والعجلة قصاد الدكان لحظات وحنبدأ خدمة توصيل الحب عناوین. . وأسامي كتير وقلوب ف کروت محطوطة ف بوكيهات الورد کیو بید بيشد النيلة والعجلة بترسم ع الأسفلت سهام واتنين. . اتنين ماسكين إيد بعض ومباق السهم مع البدال شيء مش سهل عرقك تملوك للشمس وجادون القلب بينهج وأخيرا أول عنوان فتحت . . مدت لك إيدها : merci والقلب الأبيض إتلون مع لون شفايفها والبقشيش - متشكر . . عن إذ نـك

زعابيب القلب بتغطى السكة واتنين . . اتنين كيوبيد والنبلة والعجلة وإنت - أمشير سعيد -

### غيبوبة

النبض طبيعى وحرارته ٣٧ وحرارته ٣٧ وعنيه بتبحلق فالسقف الحالة خطيرة حرطوم النفس القطوع بيخبى الصوت، وجهاز كشف الأحلام بيشاور.. وبواقى الذكرى المعدومة وبواقى الذكرى المعدومة

بنفتش فحوارى الماضى المهجورة وخيال الناس كان ماشى بعيد... الحالة خطيرة والحل؟! «عملية زرع الأحلام» مطلوب متطوع شاورت وابتسمت

النبض بيجرى وحرارته . . ( ٩٦ ) وعنيه بتكسّر فالسقف ، وجهاز كشف الأحلام بيولع

#### إجابة

```
بتحبنى؟ مبت..
- ١-
- ١-
- ١-
- الجومة بتقطف
أوراق الوردة المرسومة ف شرايين القلب
والشوك بيرد على مىۋالك
ودموع السقف المتنخور
بتغطى الأرض
وملاية الكنبة المقطوعة
الجومة العاجزة
بتحاول تمسح
```

بتحبنى؟ مبتحبنيش..

عکن ۹۹۹

- (لا انت ولا غيرك)

بوم . . بوم

شواكيش بتدق

- (مبفكرش في ده دلوقت)

كدّابة

بتفكر

لكن . . بوم،

واحد غيرك

شواكيش بتدق

وإيديها في إيده

وطبول الزفة كات بتدق

81

وبيحدف حممه فستانها الأبيض بيجر الفرحة على الأرض، والشمع الوائع على نفس الأرض. على نفس الأرض. وخيالك بيجرك أبعد والعرق المغلى بينقط مع صوت الزفة مع صوت الزفة

وإيديها في إيده والسلم تحت الرجلين مع قلبك مع قلبك وبيفتح بابك . . وبيفتح بابه مراية حمام مكسورة وصورتها ف إيدك / كات هي ف إيده شواكيش بتدق بنيص ف عينها / بيبصوا لبعض بنيص ف عينها / بيبصوا لبعض كرابة

بتبوس الصورة/ بيبوسها،

- (مبفكرش ف ده دلوقت) بوم، بيقرب منها ووريدك بينط في إيدك والعرق المغلى بيشوة وشك بيشوه وشك بيوووم بووووم والموس الواقع من إيدك بيعوم ف الدم

فاصل ونموت

## حدوتة قبل الموت٢

عزيزى المشاهد عارف إن الكاميرا مهزوزة شوية آسف قررت أسجل وبسرعة متخافشي من عيني الحمرا ودقني هاحكيلك من أسبوع قررت أتخلص منها قررت أتخلص منها كات دايما تخرج من قلبي وتمشى

بالليل فالأوضه وتحط صورتها على الحيطه بتسيب الباب مفتوح وتغيب... فالضلمة عزيزى الشاهد زي ما شفت قطعت الصورة وقفلت الباب أخيرا قلبى بقى ملكى لوحدى مش خدعه الصورة اللي قصادك دلوقتي هيّ صورتها

كل ما أقطعها ترجع تاني

عزيزى الشاهد أسبوع و الباب مقفول وشبحها اللي شنقته على الشجره

بيبص ويضحك للشباك وصورتها بتكبر وتغطى الحيطة والسقف والسقف سامع ؟! الكعب العالى بينقر دقة قلبى شايف إيدها بينقر دقة قلبى من وصط الباب عزيزى ال....مُشاهد مضط رأسيبك مضط رأسيبك اطمن حتشوفني أكيد

في الحلقة الجاية.

#### هنومة

وانت بتتفرج على فيلم (باب الحديد)
متأثر بيوسف شاهين
وقلبك بيعرج
وعنيك بتمارس العادة السريه ع الجردل المليان
بلاكريات كتير عن هنومة
اللى انت معلق صورها ف كل حتة ع الحيطة
الكل كان بيسأل:
انت ليه اخترت الدور ده؟!
مع إنك لو أبو سريع
كنت هتعمل كل اللى ف نفسك

حاتقول إن انت اخترت الدور الأصعب ثم قناوى . . هو بطل الفيلم - والحقيقة -هنومة هي اللي بتوزع الأدوار ماهو مش معقول حاتسيب فريد . . وتحبك مع إنك مديها الكردان والديوان اللي ورثتهم عن مشاعرك اللي ماتت واضح جدا إن البنات اللي اسمها بيبتدى بحرف ال هه بيكون وجودهم مرتبط بالمصايب هنومة ، هند رستم ، . . . حتى هيلين في الإلياذه كات سبب الحرب وليت هنداً ألجزتنا ما تعدي ده اللي انت بتكتشفه مع كل مرة بتشوف فيها مشهد الخزن اللقطة ال masterscene للقطر اللي بيدهس أحلامك وأبو مريع اللي بيتغيّر ف كل مره بيكون المفاحأة!! ولإنك زهقت من كتر المفاجآت

(ومن البدلة اللي بتلبسها ف كل مرة..
یا عریس)
من غیر قطط
قررت إنك تحط حد للمهزلة دی
إما إنك تقتل هنومة
بس ساعتها مش حيكون لوجودك معنى
أو تتخلص من عم مدبولي
اللي دايما بيلبسك البدلة
أو تطفى الفيلم!!

#### قاطبة

اللحظة اللى بتحلم بيها طول عمرك وانت بتتجمّع قدّام الميكروفون وبتشكّل على هيئة نجم على الميكروفون على هيئة نجم وشعورك الطاغى بإنك أشعر شعراء الأرض وقاطبة وأخيرا انتصرت على الشعر اللى ضربك زمان بالألم واتهمك بإنك لقيط

95

زمانها مقطعة نفسها م العياط للمسف للأسف كل المخطات اللى انت بتطلع فيها مش بمكن هتصدق إن المجنون اللى كان دايًا بيمشى عكس اتجاه الشمس عشان يقعد ف الضل يحب فيها يحب فيها هو النجم اللى بيلمع دلوقتى

اللحظة اللى فيه الذكريات بتصقف وتملا القاعه قبل الكراسي الفاضيه ما تسبب المكان

# كلاكيت مش أول صدمة

# فلاش

وانت بتبوس الشارع وتحطه بعينك على جنب حاسس إنك مانيكان بهدوم مبلولة بترخ عليك والجزمة بتضحك والرؤية بتمسح ف إزاز العين عزف المزاريب مع أوبرا الرعد اللى ف قلبك

بتنقط

صوت الدكاكين بتشطب بدرى والبار مفتوح والبرق فلاش على صورة بنت وعمود النور واقف مستنى تيجى العربية اللى حتركب فيها كان لازم تشتى مع إن الدنيا كانت صيف

#### مواجهة

ضلين ع الصخرة السودا اللي هناك قاعدين علي شط الشمس، الضل الأول مألوف لعنيك والخصلة الطايرة من تحت الطرحة المسنودة على الضل التاني بتضيع مع لون الشمس الغرقانة • ضاود البحر ضلين.. ف عنيك

وإيدين . . بتشبك بعض وعنين . . بتبص لبعض ضلين قايمين يدّارو ف بعض . . . . . المرة دى . . الإنكار مش هايفيد

#### سيمضونية

بيكحكح على أول درجة فسلم حزنه (دووو) ابتدى ف العزف وصوابعه بترقص ع الآلة السودة بجنون، بيتهوفن جوه البرواز بيسد ودانه ويغمّض والريح بتصقّف ويًا الشباك وتفر النوتة

بيانو عجوز

ع الهادى (رى ى ى ى) ريحة برفان حاجب للرؤية - برفان مسيل للدموع -

كان لسه بيعزف وعنيها فدمعه وصوابعه بتتقل.. بهدوء (مدى ى ى) كات واقفة بتمسح آخر نقطة فاقلبه من نصل عنيها شدت بصماتها من فوق الكاس، مسحت سم عنيها بآخر رمش، قلبت صورة بيتهوفن للحيطة جريمتها الكاملة بترقص على جثة عازف مجنون ميت بالسكتة ا على سلم حزنه المكسور ( دو . . ری . . می . . دو . . ری . . می)

.....

مفتاح الصول كان عايز يعزف مين الجاني؟! وسرينة النجدة جريت ف ودانها أخخخ ..... كات ناسية صورتها ف قلبه

## كلاكيت آخر مرة

#### عالم بدون تامر

#### -- عالم أول --

قربي أكتر صوت براكين فرجزر مهجوره تسبح جوة اللون الأزرق، خشى غلافه الجوى بسرعه أهلأ بيكي فعالم نفسك تصحى عيونك لما بتسمع أول رنّة من تليفونك واحد منهم!! - مستنيكى - مش هتأخر نفس مدينتك عدى شوارعك بين أسراب النمل الزاحف الكلية!! نفس الكرسي كان مستنى قرب السور بعتت رنة رد علیها - أهلا بيكي فات ساعتين

- آسفة لازم أمشى

- أشوفك بكره رحلة عودة لبيتك تاني ويا صحابك - قولى احكيلنا قالك إيه ؟؟ اضحكي نفس الضحكة وقولى . . نفس القصه عدّى اليوم؟ اطمنتي؟! لسه زخيرة عينك حية افتحى درجك ورقة انقرضت فيها قصيدة كات بتقول: إنك هبة الحب الأول، وإن عينيكي كنوز حرمان، أي كلام قطعي وارمي شمس بتغرق . . ليل بيعوم كوكب تاني بالتأكيد بقی من غیری عالم أجمل

أهلا بيكي

أقمار صناعيه بتجيب الصورة، باب العالم حارة قديمة جنب الجامع زحمة القمة أب بيلعب دومينو هناك عركة بعيدع الإمّة التانيه ستات بتبص من الشبابيك أخ بيجرى يشوف جرى إيه!! والأخ التاني طلع البيت، صناديق كرتون ورا باب الشقه محشية كتب برواز مشروخ وحواجبه تقيله محطوط ع الوش، أوضة اتقفلت ويا غيوم فالسقف بتشتي قشرة وطوب فوق ع الكنبة فوق فرفوف مكتبتي الفاضيه والأدراج مفهاش ولا حاجه، أخ بينزل بالصناديق والبرواز

وقع اتكسر بالتأكيد كان عالم أوسع

#### - عالم ثالث -

عالم ضلمة سلم رملة وعمود النور مداخيره كبيرة وبيرمي بضل حواجبه الأرض أمطار حبرك بتغر ًق فبيوت الورق المتنية وشوارع قش أقلام تتدحرج ع الأرض والناس شكلها مألوف تشبه لمرايتك والأسود مرسوم فسماهم وبيوتهم وشوارع سد. كان ماشى بيضحك

113

وعمود النور مناخيره كبيره كات إيده فـ جيبه بيبص وراه وبيرمى حواجبه أحزانه مناخيره الضخمة فـ وشوش الناس والحبر يرخ وبيغرق صورة اتمسحت والضحكة بتوسع على خدّه وشعاع النور، بالتأكيد

# المحثوى

- بـــروفه 7
* دَبُــانــه
* زيـــارة 13
* وبيجري 17
* بالطـو
* الأمــــر 27
* قـمـر الموت 31
* قـمـر الموت ٢ 35
* كلاكيت أول خضَّة 41
* عــظه *
* العذراء والجدى
* عسمى ألوان
* مغناطيسيه
* بسرمسودا 65
* كلاكسيت أول مسرة
- فالانتاين
<del>-</del>

غيبسوبية //
- إجابــة
يَــــوم
» فساصل و نمسوت 35
- حدوتية قبل الموت ٢ 37
– هــنــومـــة ا9
- قاطبة
* كلاكسيت مش أول صدمة 97
- فــــــــــــــــــــــــــــــــــــ
- مواجهة
- سيمفونية 103
* كلاكيت آخر مزة ١٥٦
- عالم بدون تأمر

#### للنشرطي السلسلة ،

- پتقدم الكاتب بنسختين من الكتاب على أن يكون مكتوباً
   على الكمبيوتر أو الآلة الكاتبة أو بخط واضح مقروء.
- ويفضل أن يرفق معه أسطوانة (C.D) أو ديسك مسجلاً عليه العمل إن أمكن.
- پقدم الكاتب أو المحقق أو المترجم سيرة ذاتية مختصرة تضم
   بياناته الشخصية وأعماله المطبوعة .
- \* السلسلة غير ملزمة برد النسخ المقدمة إليها صواء طبع الكتاب أم لم يطبع .

### صدر مؤخراً في سلسلة إبداعات

283- هـل كـان خطأ؟ عبدالرحيم عبدالهادي
284- فضاءات مدينةرضا صالح
285- أضحككحفرة واسعة خالد حسان
286- ما عادتش بتجيلكمصطفى جوهر
287- تعاود عزلتها والرحيل سحر عبد الجيد
288- عين سحرية وسام جار النبي الحلو
289- ثعبان يبحث عن مشط محمد محمد مستجاب
290- حالات أخرى للغيابمحمد محمد نصر
291 لن الحزن اليوم؟ أحمد صلاح كامل
292- طيرنسسي فتحي أبو المجد
293- هزيمتين وأوصلإبراهيم رفاعي
294- قلــم نونــوفتحى حمدالله
295- ٣ أغاني للسعاده أحمد عبد الحميد

طول عمرك وانت بتتجمع قدام الميكروفون .. وبتتشكل .. على هيئة نجم وشعورك الطاغى بإنك أشعر شعراء الأرض أخيرا .. انتصرت على الشعر اللى ضربك زمان .. بالألم

اللحظه اللي بتحلم بيها ..

Bibliotheca Alexandrina 1167402

www.gocp.gov.eg www.qatrelnada.com.eg www.odabaaelaqaleem.com www.althaqafahalgadidah.com.eg

17 Im

الثمن: جنيهان